

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

Broj: 01-02-140/99.  
Sarajevo, 10. septembra 1999.godine

**Z A P I S N I K**

**sa 9. sjednice Predstavničkog doma Parlamentarne skupštine  
Bosne i Hercegovine, održane 31. 08. i 10. 9, 1999.godine**

Sjednica Predstavničkog doma je počela sa radom u 11 sati. Predsjedavao je mr. Mirko Banjac, predsjedavajući Predstavničkog doma.

Sjednici je bilo prisutno 35 poslanika – 24 s teritorija Federacije Bosne i Hercegovine i 11 s teritorija Republike Srpske.

Na sjednici nisu bili: Oručević Safet, Mijačević Ivo (opravdano), Tomić Neven, Bećirbašić Smail , Karić Munira , Balta Radenka.

Za sjednicu je predložen sljedeći

**D N E V N I R E D**

1. Usvajanje zapisnika 8. sjednice Predstavničkog doma Parlamentarne skupštine Bosne i Hercegovine,
2. Izvještaj kolegija Komisije za usaglašavanje povodom zaključaka poslanika Sejfudina Tokića i dr. Zlatka Lagumdžije,
3. Prijedlog programa rada Predstavničkog doma za period avgust – decembar 1999. godine
4. Poslanička pitanja.

Prilikom glasanja o Dnevnom redu bila su prisutna 34 poslanika.  
Predloženi dnevni red jednoglasno je usvojen.

**AD - 1. Usvajanje zapisnika 8. sjednice Predstavničkog doma  
Parlamentarne skupštine Bosne i Hercegovine**

Poslanik Ljubomir Zovko je ukazao na činjenicu da nije bio nazočan 8. sjednici, te da njegovo ime nije navedeno među imenima odsutnih poslanika.

Nakon ove intervencije zastupnici su jednoglasno usvojili Zapisnik.

**AD – 2 Izvještaj kolegija Komisije za usaglašavanje povodom zaključaka poslanika Sejfudina Tokića i dr. Zlatka Lagumdžije,**

Mr. Mirko Banjac, predsjedavajući Predstavničkog doma informirao je poslanike da Kolegij nije usaglasio stavove, te je predložio da sa zaključci poslanika Sejfudina Tokića i dr. Zlatka Lagumdžije stave na glasanje po utvrđenoj proceduri.

Prvo se glasalo o Zaključku kojeg je predložio poslanik Sejfudin Tokić, a koji glasi:

“Predstavnički dom Parlamentarne skupštine Bosne i Hercegovine traži od nadležnih institucija da preispitaju poziciju člana Upravnog odbora Centralne banke Bosne i Hercegovine gospodina Omičevića i viceguvernera gospodina Backovića u svezi s aferom Promdei banke i u svezi s pokrenutom istragom i krivičnom prijavom vezanom za zlouporabu položaja i odgovornosti ovih dužnosnika”

ZA usvajanje Zaključka glasalo je 19 poslanika.

POTIV usvajanja Zaključka nije niko glasovao.

Predsjedavajući je istakao da su uzdržani svi koji nisu glasali.

Kada se prešlo na glasanje po entitetima nitko nije bio protiv usvajanje Zaključka.

Nakon glasanja Predsjedavajući je konstatirao da je Zaključak poslanika Sejfudina Tokića usvojen u predloženom tekstu.

Nakon usvajanja ovog zaključka glasalo se o Zaključku poslanika dr. Zlatka Lagumdžije koji glasi:

“Predstavnički dom Parlamentarne skupštine Bosne i Hercegovine traži da se Domu podnese Informacija o prekršajima po računima Narodne banke BiH odnosno Centralne banke BiH i mjerama za njihovo pravno i finansijsko sankcioniranje definiranih u Poglavlju II. točka 1. Godišnjeg izvještaja Centralne banke BiH za 1998. godinu.”

ZA usvajanje Zaključka glasala su 23 poslanika.

Kada se prešlo na glasanje po entitetima niko nije bio protiv usvajanje Zaključka.

Nakon glasanja Predsjedavajući je konstatirao da je Zaključak poslanika dr. Zlatka Lagumdžije usvojen u predloženom tekstu.

**AD – 3 Prijedlog programa rada Predstavničkog doma za period avgust – decembar 1999. Godine**

Nakon što je predsjedavajući mr. Mirko Banjac upoznao poslanike o Prijedlogu programa rada prešlo se na raspravu u kojoj su sudjelovali: Ibrahim Spahić, Haris Silajdžić, Ivo Divković, Edhem Bičakčić, Zlatko Lagumdžija, Tarik Čaršimanović, Nedžad Branković, Branko Dokić, Jadranko Prlić, Miodrag Deretić, Nikola Špirić, Desanka Rađević, Adnan Jahić, Vito Rakić, Suada Muminagić, Mara Perkanović, Hilmo Neimarlija i Rasim Kadić.

Prijedlozi poslanika Harisa Sijajdzića, Edhema Bičakčića i Ibrahima Spahića za dopunu Programa rada su ugrađeni pod tačkom F. u Prijedlog programa rada.

Sljedeći poslanici dali su konkretne prijedloge za dopunu Programa rada, i to:

#### 1. IBRAHIM SPAHIĆ

1. Razmatranje provođenja i poštivanja već usvojenih zakona u Predstavničkom domu i Domu naroda
2. Realizacija programa rada Predstavničkog doma i Doma naroda
3. Razmatranje problema i načina unapređenja međunarodne, naučne, kulturne, tehničke, zdravstvene, ekološke, prosvjetne i športske suradnje koje ostvaruje BiH
4. Ostvarivanje Rezolucije o europskim integracijama i Pakt o stabilnosti za Jugoistočnu Europu
5. Poštivanje međunarodnih konvencija o ljudskim pravima i slobodama
6. Ekonomska i socijalna politika u BiH ( prijedlog za posebnu sjednicu od strane grupe poslanika)

#### 2. IVO DIVKOVIĆ

1. Zakon o praznicima

#### 3. EDHEM BIČAKČIĆ

1. Zakon o sportu
2. Zakon o crvenom križu/krstu BiH

#### 4. ZLATKO LAGUMDŽIJA

Informacija u vezi s aferom Promdei banke i pokrenute istrage i krivične prijave vezane za zloupotrebu položaja i odgovornosti funkcionera Centralne banke BiH

1. Informacija o prekršajima po računima Narodne banke BiH odnosno Centralne banke BiH i mjerama za njihovo pravno i finansijsko sankcioniranje definiranih u poglavlju II točka 1. Godišnjeg izvješća Centralne banke BiH za 1998. godinu
2. Zakon o zajedničkim policijskim snagama za suzbijanje terorizma, međuentitetskog kriminala i neovlaštene trgovine drogom
3. Formiranje parlamentarne komisije za kontrolu revizije
4. Informacija o provođenju Zakona o privatizaciji
5. Informacija o realiziranju dosadašnjeg FARE programa
6. Programi realizacije uvjeta sa zaduženjima za prijem u Vijeće Europe, provođenje Madridske deklaracije i Pakta stabilnosti
7. Informacija o državnom finansiranju i podrške Ustavnom sudu BiH
8. Informacija o provođenju Budžeta u 1999. godini
9. Zakon o formiranju javnih sudskih institucija za obuku kadrova
10. Revizija svojinskih zakona i provođenje odluka Komisije za imovinske zahtjeve izbjeglih i raseljenih osoba
11. Odgovarajuća zakonska regulativa na državnom nivou u oblasti reforme medija

12. Program aktivnosti iz dokumenta Tajništva Direktorata za politička pitanja Vijeća Europe pod nazivom "DISED RATA" sa prijedlogom mjera
13. Informacija o implementaciji uvjeta iz aplikacije BiH za članstvo u Vijeću Europe
14. Informacija o provođenju zaključaka o bilateralnim sporazumima o dvojnomo državljanstvu sa susjednim zemljama
15. Da predlagač za Izborni zakon BiH bude Vijeće Ministara
16. Zakon o suradnji sa sudom u Hagu
17. Da se u okviru točke Realizacija međunarodnih kredita kao i kredita koji se koriste po osnovu odluka Donatorske konferencije razmatra čitav paket odnosa sa međunarodnim monetarnim fondom sa informacijom i planom aktivnosti
18. Da se u nacrtu programa pod D briše posljedna alineja koja se odnosi na otvaranje internet stranice

#### 5. NEDŽAD BRANKOVIĆ

1. Izrada zakonskih projekata koji će BiH industriju osposobiti za izvoz
2. Izrada zakonskih projekata u oblasti politike nauke i nadzora državnih, naučnih i tehnoloških potencijala

#### 6. BRANKO DOKIĆ

1. Zakoni propisani od strane Visokog predstavnika
2. Zakon o sporazumima i ugovorima koje mogu sklapati entiteti BiH sa drugim državama i međunarodnim organizacijama
3. Program poziva u posjetu upućenih Parlamentarnoj skupštini BiH od strane međunarodnih organizacija ( ovo je i zaključak Komisije Predstavničkog doma o međunarodnim i vanjskim poslovima )

#### 7. NIKOLA ŠPIRIĆ

1. Da za Izborni zakon predlagač bude Vijeće ministara
2. Da Zakon o državnom trezoru nosi naziv Zakon o uređenju finansijskih odnosa u BiH
3. Da Zakon o izbjeglicama i raseljenim osobama na teritoriji BiH nosi naziv Zakon o reguliranju obaveza iz Aneksa VII Općeg okvirnog sporazuma za mir u BiH
4. Da zakoni o transportu, električnoj energiji BiH i poštanskim službama BiH budu sporazumi o međuentitetskoj suradnji u ovim oblastima
5. Zakon o upotrebi i zaštiti imena i simbola BiH
6. Zakon o službenom nazivu i upotrebi službenih jezika u BiH
7. Zakon o nadoknadi imovine izbjeglih i raseljenih osoba iz općine Glamoč, na čijim je imanjima izgrađen vojni poligon

#### 8. DESANKA RAĐEVIĆ

1. Zakon o upotrebi i zaštiti imena i simbola BiH
2. Zakon o službenom nazivu i upotrebi službenih jezika u BiH

## 9. ADNAN JAHIĆ

1. Da se u nacrtu Programa rada pod D alineja 3 zamijeni odgovarajućim tekstom koji bi glasio “ Stvaranje potrebnih tehničkih uvjeta za kontinuiranu komunikaciju i saradnju među poslanicima, te ukupno unapređenje parlamentarnog života na nivou BiH.”

## 10. MEDIHA FILIPOVIĆ

1. Da se zaduži MIP da do kraja tekuće godine pripremi potpisivanje neophodnih ugovora za uspostavu bezviznog režima s zemljama potpisnicama Pakta o stabilnosti za jugoistočnu Europu
2. Pokrenuti razgovore s zemljama potpisnicama Šengenskog ugovora radi olakšavanja postupka za dobijanje viza

Nakon rasprave, a poslije pauze, predsjedavajući mr. Mirko Banjac je, u dogovoru s predsjednicima klubova poslanika, obavijestio poslanike da se prekida zasjedanje i da se nastavak 9. sjednice zakazuje za 10. septembar 1999. godine. Mr. Mirko Banjac obavijestio je poslanike da će 9. septembra Kolegij u proširenom sastavu s predsjednicima klubova poslanika i zastupnicima koji nemaju poslanički klub na osnovu diskusija, sa zasjedanja od 31. avgusta, analizirati Prijedlog programa rada, te da će Kolegij i Radna komisija za ustavna i pravna pitanja zauzeti stav o konačnom Prijedlogu programa rada. Istovremeno će se još jedan put zatražiti da Predsjedništvo BiH i Vijeće ministara BiH dostave svoje primjedbe na Program rada.

Rad sjednice prekinut je s radom u 17. sati.

\* \* \*

Nastavak sjednice počeo je s radom 10. septembra 1999. sa početkom u 11,30 sati.

U nastavku sjednice bila su prisutna 33 poslanika.

Na sjednici nisu bili: Bičakčić Edhem, Oručević Safet, Mijačević Ivo (opravdano), Zovko Ljubomir, Bećirbašić Smail (opravdano) i Bošnjak Milenka.

Mr. Mirko Banjac upoznao je poslanike s verzijom Programa rada koja je konsenzusom usaglašena na sjednici proširenog Kolegija održanoj 9. septembra 1999. godine s time da ono što je bilo sporno treba da prođe proceduru, jer se radi o temeljnim aktima koje proizilaze iz Madridske deklaracije.

U raspravi su sudjelovali: Ibrahim Spahić, Ivo Divković, Bogić Bogičević, Alma Čolo, Zlatko Lagumdžija, Tarik Čaršimanović, Branko Dokić, Abdurahman Malkić, Halid Genjac, Pero Skopljak, Sejfidin Tokić, Mediha Filipović, Miodrag Deretić, Nikola Špirić, Adnan Jahić, Vito Rakić, Suada Muminagić, Hilmo Neimarlija i Rasim Kadić.

Sljedeći zastupnici dali su konkretne prijedloge i to:

1. IBRO SPAHIĆ

Saglasan je s verzijom Programa rada koja je konsenzusom usuglašena, ali je istovremeno dao prijedlog da se u Program rada uvrste i sljedeće točke: Zakon o izmjenama i dopunama zakona o putnim ispravama, Zakon o uspostavi granične službe, Zakon o carinskoj službi, Zakon o transportu, Zakon o električnoj energiji BiH i Zakon o poštanskim službama BiH.

2. BOGIĆ BOGIĆEVIĆ

Izjavio je da SDP prihvata sve što je postignuto konsenzusom i predlaže Amandman na Program rada, odnosno da Programa rada sadrži: prijedlog Programa rada koji je razmatran 31. avgusta i prijedlog SDP koji je podjeljen zastupnicima a i bio predložen u prvom dijelu 9-te sjednice.

3. TARIK ČARŠIMANOVIĆ

Smatra da se u Programu rada obavezno moraju uvrstiti tri zakona i to: Zakon o transportu, Zakon o električnoj energiji BiH i Zakon o poštanskim službama BiH.

4. ALMA ČOLO

Predložila je da se u Programu rada uvrsti nova tačka: Donošenje zakona o osnivanju sudskih institucija na nivou države.

5. VITO RAKIĆ:

Predložio je da se Dom prvo izjasni o Programu koji je usaglašen, a nakon toga da se provede postupak glasanja o pitanjima oko kojih ne postoji saglasnost.

6. HALID GENJAC:

Predložio je ispred Kluba CD da obaveze iz Madridske deklaracije moraju biti sastavni dio Programa rada Predstavničkog doma do kraja godine, odnosno da se u Program uvrsti pored 6 zakona o kojima nije postignuta suglasnost i Zakon o sudskim institucijama BiH.

7. ABDURAHMAN MALKIĆ

Da u točki C) Analitičko-informativna djelatnosti podtačka 5. umjesto Informacija o provođenju Aneksa VII bude Informacija o provođenju aneksa Općeg okvirnog sporazuma za mir u BiH i to:

Anex 1A. - Sporazum o vojnim aspektima mirovnog dogovora

- čl. IX Razmjena zatvorenika
- tačka g) obveze prema međunarodnom Tribunalu za bivšu Jugoslaviju

Anex 3. - Izbori

- Stalni izborni zakon
- stalna izborna komisija
- glasačka mjesta - rubni djelovi

Anex 4. - Ustav BiH

- usklađenost ustava entiteta sa Ustavom BiH
- ljudska prava i slobode
- ustavnost institucija i organizacija u BiH

Anex 6. - Sporazum o ljudskim pravima

- poštivanje ljudskih prava i sloboda
- formiranje ureda Ombudsmena u RS

Anex 7. - Sporazum o izbjeglicama i raseljenim osobama

- rad komisije za raseljene osobe i izbjeglice
- informacija o onima koji su izrazili želju za povratak, o onima koji su se vratili kao i o zahtjevima za povrat imovine

Anex 8. - Sporazum o komisiji za očuvanje nacionalnih spomenika

- informacija o zaštiti nacionalnih spomenika
- informacija o uništavanju nacionalnih spomenika i tko je to učinio

D) Prlamentarna suradnja i druge aktivnosti

- Posjeta Komisije za ljudska prava, migracije i azil općinama i njihovim skupštinama (Vijeću) u mjesecu minimalno jednoj općini, radi unapređenja poštivanja ljudskih prava (po osnovu plana).

Plan posjeta

- Poštivanje Evropske konvencije o ljudskim pravima
- Pravo na povratak
- vraćanje napuštene imovine, broj podnesenih zahtjeva i realizacija zahtjeva
- sigurnost (policija)
- sloboda kretanja
- broj izbjeglih i raseljenih na području općine
  - za povratak
  - za ostanak
- broj interno raseljenih lica

## 8. SUADA MUMINAGIĆ

Predložila je da se u Program uvrsti šest zakona iz prethodnog prijedloga programa o kojima nije postignuta saglasnost na sjednici Kolegija sa predsjednicima klubova, kao i Zakon o praznicima BiH – čiji predlagači su zastupnici Sejfudin Tokić i Ivo Divković, te Zakon o zajedničkim policijskim snagama za suzbijanje međuentitetskog kriminala i neovlaštene trgovine drogom – koji je u proceduri.

## 9. PERO SKOPLJAK

1. Predložio da se usvoji usaglašeni Prijedlog programa.

## 10. SEJFUDIN TOKIĆ

Predložio je da se u program uvrste prijedlozi SDP, te zahtjeva da se o njima Dom izjasni kao o amandmanima.

## 11. ZLATKO LAGUMDŽIJA:

Da se, u preambuli Prijedloga programa, umjesto riječi “najznačajnije iz Madridske deklaracije” navedu riječi “sve ono što je neophodno”, kao i to da Program rada mora sadržavati sljedeće:

1. Zakon o zajedničkim policijskim snagama za suzbijanje terorizma, međuentitetskog kriminala, korupcije i neovlaštene trgovine drogom.
2. Informacija u vezi sa aferom Promdei banke i pokrenute istrage i krivične prijave vezane za zloupotrebu položaja.
3. Informacija o prekršajima po računima Narodne banke odnosno Centralne banke BiH,
4. Programi realizacije uvjeta sa zaduženjem za prijem BiH u Vijeće Evrope, provođenje Madridske deklaracije i Pakta stabilnosti.

## 12. MIRKO BANJAC

Da se usvoji zaključak da se hitno traži od Vijeća ministara što su uvjeti za prijem BiH u Vijeće Evrope i da se ugradi u Program.

## 13. MEDIHA FILIPOVIĆ

Predložila je da se u Program rada uvrste:

1. Zakon o uspostavi granične službe BiH
2. Zakon o carinskoj službi
3. Zakoni koji se odnose na pravni sistem i neovisno sudstvo

## 14. NIKOLA ŠPIRIĆ

Predložio je sljedeće:

1. Da u periodu oktobar-novembar Parlamentarna delegacija BiH posjeti Parlament SRJ,
2. Da zakon o državnom trezoru bude Zakon o uređenju finansijskih odnosa u BiH,
3. Da se zahtjeva od suda u Hagu da objavi tajne spiskove osumnjičenih za ratne zločine.

Nakon rasprave glasalo se o tri prijedloga.

Prvi prijedlog je prijedlog proširenog Kolegija, konsenzusom usaglašenoga Programa rada.



Prilikom glasanja o ovom prijedlogu bilo je prisutno 30 poslanika.  
 Za ovaj prijedlog glasalo je 11 poslanika.  
 Protiv ovog prijedloga glasalo je 15 poslanika.  
 Uzdržana su bila 4 poslanika.  
 S obzirom na to da nije bilo potrebne većine nije se ni glasalo po entitetima.  
 Prijedlog proširenog Kolegija, konsenzusom usuglašenoga Programa rada od 9. septembra nije usvojen.

Drugi prijedlog je prijedlog poslanika Ibrahima Spahića, a koji se odnosi na to da Program rada treba da sadrži sve tačke iz ponuđenog Prijedloga programa rada od 31. avgusta 1999. proširen Zakonom o restituciji, Zakonom o sudskim institucijama BiH, raspravom o ekonomskoj i socijalnoj politici u ingerencijama institucija BiH, Informacijom u vezi s aferom Promdei banke i pokrenute istrage i krivične prijave vezane za zloupotrebu položaja i odgovornosti funkcionera Centralne banke BiH i Informacijom o prekršajima po računima Narodne banke BiH odnosno Centralne banke BiH i mjerama za njihovo pravno i finansijsko sankcioniranje definiranih u poglavlju II točka 1. Godišnjeg izvješća Centralne banke BiH za 1998. Godinu.

Prilikom glasanja o ovom prijedlogu bilo je prisutno 30 poslanika.  
 Za ovaj prijedlog glasalo je 12 poslanika.  
 Protiv ovog prijedloga glasovalo je 15 poslanika.  
 Suzdržana su bila 3 poslanika.  
 S obzirom na to da nije bilo potrebne većine nije se ni glasalo po entitetima.  
 Prijedlog poslanika Ibrahima Spahića nije usvojen.

Treći prijedlog je prijedlog Kluba poslanika SDP-a, a koji se odnosi na to da Program rada treba da sadrži sve tačke iz ponuđenog Prijedloga programa rada od 31. avgusta 1999. proširen prijedlozima Kluba poslanika SDP-a.

Za ovaj prijedlog glasalo je 17 poslanika.  
 Protiv ovog prijedloga glasalo je 10 poslanika.  
 Uzdržana su bila 3 poslanika.

Nakon što je utvrđeno da je prijedlog SDP-a dobio natpolovičnu većinu glasalo se po entitetima.

Iz Federacije BiH za ovaj prijedlog glasalo je 15 poslanika, a iz Republike Srpske 2 poslanika.

S obzirom na to da ovaj prijedlog nije dobio entitetsku većinu obavit će se usaglašavanje sukladno Privremenom poslovniku Predstavničkog doma i Ustavu BiH.

Na kraju rasprave o ovoj tački usvojen je prijedlog poslanika Zlatka Lagumdžije da se obaveže Vijeće ministara da za prvu narednu sjednicu Predstavničkog doma Parlamentarne skupštine BiH dostavi Program realizacije uvjeta s zaduženjima za prijem u članstvo Vijeća Evrope, provođenja Madrdske deklaracije i Pakta o stabilnosti.

#### **AD-4 Poslanička pitanja**

## MIODRAG DERETIĆ

Postavio je dva pitanja.

1. Do kuda je došla Komisija za granice BiH sa postupkom nadoknade teritorije Republici Srpskoj do 49% kako je to ustrojeno ili predviđeno Daytonskim sporazumom ?
2. Da li supervizor za Brčko može proširiti svoje nadležnosti i izvan granica općine Brčko po Daytonskom sporazumu i Ustavu BiH i da li on ima, ovim akatima, mogućnost da ukine graničnu crtu u oblasti općine Brčko?

## IBAHIM SPAHIĆ

Da mr. Mirko Banjac i dr. Izet Žigić podnesu izvještaj o posjeti Budenstagu s obzirom na to da je i Komisija za spoljne poslove dobila poziv za posjetu Komitetu za spoljne poslove Budenstaga.

Da MIP, Predsjedništvo ili Vijeće ministara zajedno sa izaslanstvima koja će putovati na zasjedanje IPU-a, OSCE, CEI i Generalne skupštine UN, preko Komisije za spoljnu politiku, informiraju Predstavnički dom o ovim ključnim i važnim nastupima naše zemlje kao i to što pripremaju i na koji način će nastupiti.

## MEDIHA FILIPOVIĆ

Da li MIP radi na tome da se uspostavi bezvizni režim za zemlje potpisnice Pakta o stabilnosti i da li se radi na tome da se olakša dobijanje vize za zemlje potpisnice Šengenskog ugovora.

## NIKOLA ŠPIRIĆ

Na koji način zajedničke institucije BiH misle obešteti građane iz Glamoča na čijim imanjima je napravljen vojni poligon, odnosno na koji način se misli obešteti ova kategorija stanovništva za izgrađen vojni poligon na njihovim imanjima?

## HALID GENJAC

Da Misija OSCE objasni okolnosti u kojima je nastala gruba greška kada je producirala plakat čiji sadržaj je grubo povrijedio ustavnu strukturu Parlamenta BiH jer se u tom plakatu navodi da se sa prostora RS biraju poslanici Srbi, a sa prostora Federacije poslanici Bošnjaci i Hrvati a imajući u vida da CD Koalicija ima u Predstavničkom domu Parlamentarne skupštine BiH i poslanike Bošnjake iz RS, te da se tim plakatom grubo zadire u ljudska prava. U koliko se radi o grešci, kakve su sankcije poduzete prema onima koji su načinili tu grešku.

## RADENKA BALTA

Što je mislio gos. Alije Izetbegovića kada je dao izjavu da se ni jedna izbjeglica neće istjerati, odnosno da li je to u duhu Daytonskog sporazuma, da li je to u duhu Madridske konferencije i što to treba da znači za one povratnike koji žele da se vrate u svoja mjesta boravka?

Nakon poslaničkih pitanja 9-ta sjednica je zaključena i završila je s radom u 18,00 sati

Sastavni dio zapisnika je magnetofonski snimak i stenografske bilješke.

Predsjedavajući  
Predstavničkog doma  
Parlamentarne skupštine BiH  
mr. Mirko Banjac, s.r.